

۱ ذی القعدة ۱۳۳۱

پنجشنبه

۱۹ ايلول ۱۳۲۹

عدد — ۶۴

امور اداره و تحريره و اعلانات و ساثره
ايچون مدير مسئوله مراجعت ايدالميدور.

صرفای امتك مقالات منصوفانه لرینه
جریده صوفیه تك حیفه لری
آچقیدر .

جریدای صوفیه

شیمدیلك هفته ده بر نشر اولنور .

نسخه سی ۴۰ پاره در

ابونه سی : بر سنه لك اعتباريله ممالك
عثمانیه ایچون ۴۰ آتی آیلغی ۲۵ فروش
وممالك اجنبیه ایچون اون ایکی فرانقدر

محل اداره باب عالی جوارنده ابوالسعود
جاده سنده نجم استقبال مطبعه سی

تصوف فی دین و اخلاق و سایر احادیث اسلامی

غاطله مولویخانه سنک اثنای تأسیس شده، سلطان دیوانیک استانبوله کلی، سلطان سلیم اولک دعوت مخصوصه هایونلری اوزرینه در .

غاطله مولویخانه سنک ختام انشاییله، جمعه کونی ایلیک مقابله مولویه بی اجرا ایدن مشارالیه سلطان دیوانیدر. سلطان دیوانی، قره حصار صاحبه عودت ایندکدن صکره، سلطان سلیم حضرتلریله مخاره و مکاتبه لری دوام ایتمشدر .

خادم المولویه

— آلت طرفی وار —

محمد ضیا

دستور

قوة قدسیه — حیات ملیه

بر قوه معنویه درکه ه الا ان اولیاء الله، نظم جلیله مظهر اولان مبتدی و منتهی هر بر سالکک آینه وجودنده تظاهر ایدر، لا کن قدر زر زر کر شناسد قدر کوهر کوهری مفادنه کوره بو عالم جسمانیته او قوه قدسیه بصریت ایله کوریه جککنه دقت لازمدر. آنک ایچون اهل تصوف قالدن حاله اهمیت و برمشدر. مراتب سلو کده مزالتی اقدام جوق اولدینی ایچون مرشد مکمل مریدی ارشاد ایچون قوه قدسیه دن استعانه ایدر. شرع شریک معجزات انبیاء الله ایله طرق علیه کرامات اولیاء الله ایله عامه ناسه تأثیر ایتدیکی تنویرات معنویه شو بولندیمز زمان فترده اعتقاد سزلی و دینه عدم مبالات و لاقیدی سببیه کوشه نسیانه آنلیدیگی کورنلر البته وجداناً متأثر اولورلرده اخوان دینی اسباب تدبیر تخدیر ایدرلر . [وانا له لحاظون] قول کریمی اهل دینی اسلامایوس ایتزهده قرآن حکیمک کوسترمش اولدینی طریق مسقیم سعادتدن انحراف ایدیلدیکنی حسن ایتدیکنی زمان اصلاح احوالمر ایچون بر انتباه حصولی قوه معنویه و قدسیه ک امدادی لازم اولدینی فرق ایتمک بر دستور عقلی و حکمت شرعیدر .

شو مقدماتی اجمال ایدن حکمت قرآنیه دن [قل هذه سبیل ادعوا الی الله علی بصیره انا ومن اتبعنی و سبحان الله وما انا من المشرکین] [۱] قول کریم سبحانیسی عالم اسلامیه وضع اساس سیاست و مدنیت حقیقی ایدن عقل کل محمدی آوار قدسیه سندن دیکلدر . زمان سعادت محمدین بو آنه قدر ملت اسلامیه ک مقدرائنده کوریلان تظاهرات قوه قدسیه و اهل توحید و بصیرتک هم قدسیه سیله متناسباً واقع اولدیفنه وقت بصیرتکارانه مشاهداندنر شخص معنوی ملت حیاتی محافظه ایچون طیب معنوی به محتاجدرکه آنک تشخیص و تدابیری قوه قدسیه ایله ممکن اولور. قوه قدسیه بر قوت مشروعه درکه اهل بصیرت آتی

[۱] دی یامحمد بویم بولدر . الله یوله بصیرت اوزره دعوت ایدرم بن

مذکور درگاه پوست نشیناکننه تعیینی التماس بیوردقارندن اولا چایی جمال الدین و بو ذاتک وقوع ارتجالی اوزرینه متعاقباً برادری جلال الدین چایی افندی تمیین و اعزام قلعه مشارددر . هر ایکی چایی افندی مرادیه جامع شریفک قبله جهته شده مدفوندرلر . سلطان مراد خان ثانیکن زمان سلطنتی ۸۲۴ دن ۸۵۵ ه بمند اولوب سالف الذکر عادل پیر ثانی جلیبنک رحلتی ۸۶۵ ده در .

ابوالفتح والمغازی ، سلطان محمد خان ثانی حضرتلری اینه . بتون معناییله محب و منتسب طریقت مدیقیه مولویه ایدی . قسطنطنیه ک توجه فتح و تسخیرنده ، قونییه پوست نشین ارشاد اولان جمال الدین بن عادل ثالث حضرتلریله مخبرات و مراسلاتی واردی . خاقان مشارالیه حضرتلری ، اکثراً چایی امیر عادل کرانها هدیه لر ارسال بیورمق صورتیله خصلت کزیده و قدر شناسیلرینی اثبات بیورلردی . چایی مشارالیه ک سماعخانه علیه انتقاللری (۹۱۵) تاریخده در .

مظهرک و لفتح ، اولان فاتح مشار الیه حضرتلری ، عهد قدیمه مراعتله امیر عادل چلبیدن منیب طریقه مولویه و عرقیه پوش اولدقاری زمان ، الناس علی ساوک ملوکهم فحواسنجه عامه رجال دولت چایی مشار الیه انتساب ایتشاردی . حتی ، بدایت سلطنتده کی عهد قدیمه رعایه هر جاوس عقبنده تجدید عهد قدیم اولنهرق حتی شهزادکان جوانخانه عرقیلر تکبیر ایدیلوردی .

فاتح مشارالیه حضرتلری ، بالاخره چایی جمال الدیندن تجدید عهد ایتشاردی ، اشعارده مخاص شاهانه لری (عونی) در . شهزاده مکرماری مخدوم صافی مشربلری سلطان یازید خان ثانی دخی محب خاندان مولوی اولوب باخصوص سالف الذکر جمال الدین چایی به ، فرط حرمت و نسبتی اولدیفندن ، انسال زکیه مولویه بی تطلیحاً و روان پاک مولانای تمبراً و صنادیق متبرکه آسودکان تره فردوس رتبه بی « تجدید و پوشیده لرینی کرانها و نظار ربا قاشلرله ، شالارله تزین بیورمشاردی . سلطان یازید خان ولی ایله عظمای کراماندن و اکابر مولویه دن عباپوش سالی نک مکاتبه لری واردی .

جامع خلافت اسلامیه اولان ، یاوز سلطان سلیم خان حضرتلری ، شام سفرینه کیدرکن ، قره حصار صاحبه اوغرامشاردی . او بلده قدیمه ایکن عظمای جلیباندن و اکابر شعرای مولویه دن سلطان دیوانی ایله کوروشمشار ایدی . بر کون اثنای مصاحبه ده ، سلطان دیوانی پادشاه مشارالیه حضرتلرندن، شامده ، مشهد مقدس حضرت محی الدینک تعمیر و ترمیمی رجا و التماس ، حتی مصر قاهره ، بد سلیم اول ایله تسخیر و حکومت چرا کسه نک قرین زوال اولوب مالک مصرک قبضه تصرفلرینه کچمککنی ده کشف و تبشیر ایشلردی .

سلطان سلیم خان ، سلطان دیوانیده مشاهده بیوردقاری اثار باهره عرفان و فضیلتی یک زیاده تقدیر بیورلردی . انتسابلری و عرقیه پوش اولملری مشار الیه سلطان دیوانیدر .

حکایت سالفه خه اتصافده اسکندر ماساندک مالکانه سه اولان

ترمه بولور ایسه آلیر قوه قدسیه به مخبر صادق حکمت ایلله تمیز یورمشدر
الحکمة ضالة حکیم انی وجد فهو احق بها . ملیت قوه قدسیه نیک
احکامیه ثبات ایدر ملت او قوه قدسیه ایلله دشمنی ترهیب ایدر . ملت
او قوه قدسیه ایلله فی سبیل الله اتفاق ایدر . ملت او قوه قدسیه ایلله ظلم کورمن
ایشته حکمت قرآنیه او قوه قدسیه ایچون شوآیت کریمه ایلله مؤمنلری
ایفاظاً امر ایدر . [واعدو الهم ما استطعتم من قوه ومن رباط الخیل
ترهیبون به عدو الله و عدوکم و اخرین من دونهم لا تعامونهم الله بعامهم
وما تنفقوا من شیء فی سبیل الله یوف الیکم وانتم لا تظلمون] [۸]
پوست نشین مولویخانه حایه

محمد شمسی

روضه القراء

مقدمه

هلم وجوه قرائتک خلاصه نمربی ایلله تاریخچه

— ۳ —

اثم عشره وراویلرینک وقوع بولان جهد واقدمات متوالیهلری
ایلله قرائت متواتره و مشهوره و روایات شاذه و احتمالات غیر مأخوذه
تیین ایدوب وجوه قرائت صدوردن سطوره نقل اولمشدر . درتیوز
تاریخلرینه قدر طریق انفراد اوزره وجوه قرآنیه تعلیم و تدریس
اولنرق ائمه قرائت هر برلرینک وجوه و قرائتلری ایری ایری
قرائت و ختم اولنوردی بعده اندراج طریق اوزره اهل ادا ختمه
واحدده وجوهات قرآنیه تعلیم و تدریس و قرائت ایللریله الی الان
اندراج وجهله اخذ و تعلیم قرائت اولنقددر . بین القراء طریق سببه
و طریق عشره نامیه مشهور اولان ابو عمر والدانیک [۹] (تیسری) ایلله
(۱) سزائلر ایچون (دشمنلر ایچون) استطاعتکنز یتدیکه قوتدن بسله نمش
حیواندن اعداد واحضار ایدکنز . بونکله (اعداد واحضار ایلله) الله دشمنی
وسزک دشمنکنزی و آنلردن ماعدا سزک بیلمدیککنز والله تعالی نیک بیلدیک
دشمنلری ترهیب ایدرسکنز قورقودرسکنز . الله بولنه هر نه شیدن که اتفاق
ایدرسکنز اونشی سزه ایفا اولنور وسز ظلم کورمنسکنز

شرح

فی سبیل الله و بریلان حرب امانه سی هر نه اولورسه زمانک اقتضاسنه کوره
اعداد واحضار اولنور ایسه اوقوم و ملتک دشمنی ترهیب اولنقله ملتک مال
و جانی صیانت اولنقی و بریلان امانتک فترات ممنوعه سی درکه و برنلره معنا
ایفا اولنور .

[۱] عثمان بن سعید بن ابوعمر والدانی الاموی القرطبی حضرتلری ائمه قرادن
اولوب شیخ المشایخ المقریین ایدیلر . (۳۷۱) ده قرطبه ده مهد آرای عالم شهود
اولمشدر (۳۸۶) ده قیامتده بولنی مقصدیه مصره متوجهاً بوله حقیقه مش
بعض مراکز طالبیه اوضایه رق برسنه کامله ختامنده اودیه مواصلت و برسنه
اقامتدن صکره حجازه و بعدالحج تکرار دور بلاد ایدرک (۳۹۹) ده اندلسه
(۴۰۳) ده (سرقسطه) به ویدی سنه سرقسطه ده اقامت ایدرک بعده مسقط
وأس اولان (قرطبه) عودتله (۴۱۷) سنه سنه فیدر قرطبه ده نشر عالمه

امام شاطبی نیک [۲] (حرز الامانی) نامیه توسیم یوردنی قصیده
(لامیه) سنک احتوا ایتدیکی وجوه و قراآته (طریق سببه) و امام
شمس الدین محمد جزری نیک [۳] (تخییری) ایلله (الدره) نامیه موسوم
بولنن قصیده (لامیه) سنک مندرجات و محتویاتنه طریق عشره نامی
ویرلمشدر . بوندن بشقه برده (طریق قریب) واردکره ائمه عشره
قراسنک روات و روات رواتی بیننده حاصل اولان مسموع اختلافات
جزئییه و فرعییه رعایتله مفصلاً اخذ قرائت ایللکدر .

مشغول اولدندن صکره (دانیه) به رحلتله اخر عمرلرینه فیدر اوراده اقامت
ونشر قرائت ایلله مشغول اولمشدر . قرائتی بطریق العرض ابی الفتح فارس بن
احمد الفزیردن انلره عبدالباقی بن حسن المقری دن انلره ابراهیم بن عمر المقری دن
انلره احمد بن یویان البغدادیدن انلره احمد بن ابی الاشعث البغدادیدن انلره
محمد بن هارون نامیه مشهور اولان ابن نشیطدن انلره قالدون اقبیلله
مشهور عیسی المدنی دن انلره امام نافع حضرتلرندن اخذ ایلمشدر . (۴۴۴)
سنه سی شوالنده دانیه ده انحال دارنیم یورمشدر . التیسیر جامع البیان فی القراءه
الحکیم فی النقطه المنقعه المحتوی فی القراآت الشواذ الفتن والملاحم شرح قصیده
الحاقانی طبقات القراء . درت جلد . کبی برخیلی تألیفات علیهلری وارددر . ترجمه
حالی مفضلاً یازیلله جقدر .

[۲] امام شاطبی حضرتلری مشاهیر ائمه قرادنلر . عصرنده علامه و شیخ
فهامه نامیه مشهور ایدیلر (۵۳۶) سنه سنده اندلس داخلنده (شاطبیه) ده
مهد آرای وجود اولش و قریه سنده ابی عبدالله بن محمد بن ابی العباس القزیدین
قرآن عظیم الشانی وجوه قراآتی تعلیم ایتدکن صکره بلسه به عزیمتله اوراده
تیسیری حفظ و قراآتی ابی الحسن علی بن هزبل اوزرینه عرض ایلدی جناب
هزبل ابی داود بن سلیمان بن ابی القاسم مدن انلره ابو عمر والدانی دن علی طریق
العرض اخذ قرائت ایلمشدر . بعده بیت حج ایلله بلسه دن رحلت و قاهره به
وصولنده قاضی کندهلرینه یک زیاده اکرام ایدرک مدرسه سنه شیخ القراء تعیین
ایدلی . مشهور قصیده لامیه وراثیه سی اوراده نظم ایلله پایه بلاغتی اعلا و
احوال قرائتی بیان ایلدی . انحاللری (۵۹۰) سنه سی حمادی الاخره سنده در .
فیر شریفلری مصر ایلله قاهره بیننده (قراغه) قریه سنده در ترجمه حالی مفضلاً
یازیلله جقدر .

[۳] شمس الدین محمد الجزری حضرتلری اکابر ائمه قرادنلر (۷۵۱) سنه سی
رمضانک بکری بشنهی جمعه ایتیه سی کجه سی شامده مهد آرای عالم وجود
اولمشدر (۷۶۴) ده حفظ قرآن (۷۶۵) ده ختم فرقان ایلله ادای صلوة
ایدلشدر (۷۶۸) ده قرائت سببه سی جمیع ایدوب اوسنه حجازه عزیمتله ایفا
فریضه حجه موفق اولمشدر (۷۶۹) ده مصره رحلتله متواتره ، مشهوره ،
شاذه دن عبارت اولان اون درت قرائتی اخذ واسکندریه علماسندن علوم
متنوعه سی تعلم ایلدکن صکره (۷۹۸) ده جنتمکان سلطان یلدرم یازیلله خان
حضرتلرینک حایه فدر دانیلرینه التجا ایدرک بروسه ده ارامکنزین اولوب علم
قرائتدن تشمکان علوی بهره ور ایلدی . قرائتی علی طریق العرض ابی محمد
عبدالرحمن بن احمد البغدادیدن انلره ابی عبدالله محمد بن احمد بن عبدالحق مصریدن
انلره ابی الحسن علی بن شجاع بن سالم العباس حسن الشاطبی دن انلره امام
شاطبی حضرتلرندن اخذ ایلمشدر انحاللری (۸۳۳) ده شیرازده در . دیگر
سلسله اخذلریله ترجمه حالی مفضلاً یازیلله جقدر . آثار علیهلری : شرح مصابیح
— اوج جلد — فایة المهر فی الزیاده علی العشره . طبیه النشر فی القراآه العشره
النشر فی القراآه العشره — ابی جلد — لوازم و واجبات قاری بیاننده بر منظومه
لری ، منظومه رایشه سی ، علم نحوه طالع جوهره منظومه سی ، النشر فی القراآه
المشترک مخمصری اولان (التقرب) تجرید التیسیر فی قراآه العشره ، النباهه نامیه
کبری ، فایة الابه نامیه صغری ایکی جلد طبقات قرائی ، ادبیه مأثوره فی جامع
(حصن حصین) در .